



DIARIO

E MATUTINO DI ARUBA

GANG DI
BENDEADOR
DI COCAINA
DILANTI JUEZ

DIASABRA 19 MEI 1990

ABONADO PA LUNA 17,00 FLS* PA EJEMPLAR 0,70 AÑA 9/No. 3374

NELSON MANDELA A MANDA CARTA PA JULIANA SCHOOL

Federacion Arte Pro Arte cu diferente workshop



ORANJESTAD(AAN) -- Den presencia di Notaris mr.F.Tjon Ajong e acto di statuto pa FARPA a ser firma y asina mundo di teatro na Aruba a worde enriquece cu un federacion cu ta bay traha na bienestar di teatro.

FARPA ta significa Federacion Arte Pro Arte. E directiva ta consisti di:

directora - Imy Lasten
secretaria - Carmen Herrera
tesorero - Nic Quandus
comisario - Etley Lasten
comisario - Roland Tromp
Meta di FARPA ta pa stimula e vida teatral aki na Aruba. Yuda tur esnan cu ta interesa den teatro pa crece y progresa riba e tereno aki. Lo bay organiza diferente workshops riba tereno di tecnica

di luz, sonido, uso di voz, actuacion y tur locual un produccion ta encera.

Esakinan ta en corto algun di e metanan di FARPA pero tin mucho mas pa menciona pero pueblo mes lo por sigui e desaroyo di FARPA pa cu bienestar di teatro y bida cultural di Aruba en general.

Segun Volkskrant
HULANDA TA OBLIGA
ARUBA DI SCOGE
O BAHÁ CABEZ

SOCIEDAD DI
COMPOSITOR Y AUTORNAN
DI PREPARACION

TE AINDA TA JOHN SO TA DETENI

ORANJESTAD (AAN) Varios persona a ser interroga relaciona cu e detencion di John T. den e caso di droga, pero ningun a keda detene.

E caso ta den completo investigacion y no ta exclui cu por cay mas detencion un ora pa ora. Parce cu tin mas hende involvi hunto cu John den e baho mundo di droga cu ta manda cocaina pa Hulanda. Un gang basta grandi ta opera den un forma hopi bon

y nan ta haci mal uza di hopi hende cu ta bay Hulanda pa hiba paki pa nan y otro nan ta paga tur gasto pa hiba e droga Hulanda.

Rumores ta circula cu na Hulanda tin un grupo di Arubiano y Antiyano detene relaciona cu traficaion di droga pero e rumores aki no por a ser confirma te cu ayera nochi. No ta exclui cu e detencion na Hulanda por tin di haber cu e aresto di John T. na Aruba.